

## ՈՐՈՇՈՒՄ

ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ՎԵՐԱԲԵՐՅԱԼ  
քաղ. Երեւան 12 նոյեմբերի 2008թ.

Հայաստանի Հանրապետության Սահմանադրական դատարանի 1-ին  
դատական կազմը

Նախագահությամբ՝ Վ. Հովհաննիսյանի  
Անդամակցությամբ՝ Զ. Ղուկասյանի  
Կ. Բալայանի

Քննության առնելով ՀՀ քաղաքացի Ռուբեն Այվազյանի դիմումի ընդունելիության  
հարցը

### ՊԱՐԶԵՑ

1. Ռուբեն Այվազյանը 28.10.2008թ. դիմել է սահմանադրական դատարան՝  
վիճարկելով ՀՀ քաղաքացիական դատավարության օրենսգրքի 222 հոդվածի 1-ին կետի  
սահմանադրականությունը:

2. ՀՀ Սահմանադրության 101 հոդվածի 6-րդ մասի, «Սահմանադրական դատարանի  
մասին» ՀՀ օրենքի 69 հոդվածի 7-րդ մասի համաձայն՝ անձը կարող է կոնկրետ գործով իր  
նկատմամբ վերջնական դատական ակտով կիրառված օրենքի դրույթի սահմանադ-  
րականությունը որոշելու խնդրանքով սահմանադրական դատարան դիմել միայն այն  
դեպքում, երբ սպառվել են դատական պաշտպանության բոլոր միջոցները:

3. ՀՀ Ղատական օրենսգրքի 50 հոդվածին եւ ՀՀ քաղաքացիական դատա-  
վարության օրենսգրքի 222 հոդվածին համապատասխան՝ վերաքննիչ դատարանի  
որոշումները ենթակա են բողոքարկման ՀՀ վճռաբեկ դատարան: Դիմողի գործով ՀՀ  
քաղաքացիական վերաքննիչ դատարանը որոշում է կայացրել 19.06.2008թ., որը սակայն,  
օրենքի պահանջներին համապատասխան, չի բողոքարկվել ՀՀ վճռաբեկ դատարան:  
Հետևաբար, դիմողը չի սպառել դատական պաշտպանության բոլոր միջոցները, եւ

դիմումում մատնանշված՝ ՀՀ վճռաբեկ դատարանի 17.09.2008թ. որոշումը չի կարող համարվել վերջնական դատական ակտ:

Ղեկավարվելով «Սահմանադրական դատարանի մասին» ՀՀ օրենքի 32 հոդվածի 9-րդ կետով, 69 հոդվածի 1-ին եւ 7-րդ մասերով, ՀՀ սահմանադրական դատարանի կանոնակարգի 25 հոդվածի «գ» կետով՝ սահմանադրական դատարանի 1-ին դատական կազմը

### ՈՐՈՇԵՑ

Ռուբեն Այվազյանի՝ «ՀՀ քաղաքացիական դատավարության օրենսգրքի 222 հոդվածի 1-ին կետի սահմանադրականությունը վիճարկելու մասին դիմումի հիման վրա գործի քննությունը մերժել:

